

弘仁四年六月一日○又見類聚國史

〔類聚三代格〕七太政官符

應收養在路飢病無由達鄉并不能自存百姓等事

右存恤之事載在令條國郡官司理須遵行而收養醫療未聞其事大納言正三位兼行左近衛大將陸奧出羽按察使藤原朝臣冬嗣宣奉勅响育之道理不可然違法之吏深合科責宜更下知勤使醫養勿令彼黎民徒致非命其科量用正稅者其年中所用正稅大國五百束以下上國四百束已下中國二百束以下下國一百束以下即國郡官司親加訪察若乖符旨存活失所爲他見告依法科罪夫專當國郡司名及所存濟之人數附朝集使所用正稅附稅帳使並作別卷每年言上但不能自存之輩一依令條行之不得違法輒用正稅

弘仁十一年五月四日

〔享祿本類聚三代格〕十七太政官符

應養活疫病百姓者賜出身叙位階事

右得大宰府解僦管九國三島疫病氣方發或舉家病臥無人看養或合門死絕無葬斂者被右大臣宣僦奉勅如聞閭閻之間疫病發則稱謂移染曾不往來近親之間猶有斯忌因茲水漿之資不得適口滋味之願不能從情百姓夭折無不由此言念於此深以矜歎夫死生有命修短定焉仁靡不酬德必有報豈行仁德還羅其咎黎民之愚遂致斯惑於事商量理不合然宜仰府官重加約束勤令醫療酬彼勞効其法養活病者三十人以上白丁入於內考自入色至初位每十人加一階初位至八位以上每二十人加一階外考入內考者減半若養越此法者錄名言上量其形迹授以五位但養二等以上親者不在此限者仍須委專當官精加採訪療養訖則具錄言上至于仲秋總從停止

弘仁十三年三月二十六日